

Odluka Visokog predstavnika o imenovanju međunarodnih članova Izborne komisije Bosne i Hercegovine

Koristeći se ovlaštenjima koja su mi data članom V Aneksa 10 (Sporazum o civilnoj implementaciji Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja pomenutog Sporazuma o civilnoj implementaciji Mirovnog ugovora; i posebno uzevši u obzir član II. 1. (d) gore navedenog Sporazuma, prema kojem Visoki predstavnik "pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa civilnom implementacijom";

Pozivajući se na stav XI.2 Zaključaka Vijeća za implementaciju mira koje se sastalo u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnoj implementaciji Mirovnog ugovora kako bi pomogao u iznalaženju rješenja za probleme, kako je prethodno rečeno, "donošenjem obavezujućih odluka, kada to bude smatrao neophodnim," u vezi sa određenim pitanjima, uključujući (u skladu sa podstavom (c) ovog stava) i "mjere u svrhu obezbjeđenja implementacije Mirovnog sporazuma na čitavoj teritoriji Bosne i Hercegovine i njenih entiteta";

Pozivajući se na sporazum iz člana V Aneksa 3 Općeg okvirnog sporazuma za mir u Bosni i Hercegovini kojim se obavezuje Bosna i Hercegovina i njeni entiteti da uspostave Stalnu izbornu komisiju koja će biti nadležna za provođenje budućih

izbora u Bosni i Hercegovini;

Konstatujući da je 30. augusta 2001. godine Parlamentarna skupština Bosne i Hercegovine usvojila Izborni zakon Bosne i Hercegovine kojim se, između ostaloga, uspostavlja Stalna izborna komisija Bosne i Hercegovine kako bi regulisala zakoniti rad izbornih komisija i biračkih odbora u skladu sa ovim Zakonom;

Konstatujući dalje da je 19. septembra 2001. godine gorenavedeni Zakon objavljen u Službenom glasniku Bosne i Hercegovine, broj 23/01, te da je stupio na snagu osam dana nakon toga;

Imajući u vidu da član 18.1 gorenavedenog Zakona reguliše, između ostaloga, da će sve do završetka mandata visokog predstavnika ili dok on tako ne odluči, u Izornoj komisiji biti tri člana izabrana između predstavnika međunarodne zajednice koje imenuje visoki predstavnik;

Potvrđujući veliki angažman i iskustvo Organizacije za bezbjednost i saradnju u Evropi u organizovanju izbora u Bosni i Hercegovini nakon Mirovnog sporazuma;

Uzimajući u obzir sve gore navedeno, donosim sljedeću:

ODLUKU

1. Ovom Odlukom za međunarodne članove Izborne komisije Bosne i Hercegovine imenujem šefa Misije Organizacije za bezbjednost i saradnju u Evropi u Bosni i Hercegovini

ili osobu koju on odredi, zamjenika šefa Misije Organizacije za bezbjednost i saradnju u Evropi u Bosni i Hercegovini ili osobu koju on odredi i višeg zamjenika visokog predstavnika Ureda visokog predstavnika ili osobu koju on odredi.

2. Ova imenovanja stupaju na snagu sa današnjim danom i bit će na snazi sve dok postoji Ured visokog predstavnika ili dok to odluči visoki predstavnik.
3. Ova Odluka stupa na snagu odmah i objaviće se bez odlaganja u Službenom glasniku Bosne i Hercegovine, Službenim novinama Federacije Bosne i Hercegovine i Službenom glasniku Republike Srpske.

27. septembra 2001. godine	Wolfgang Petritsch Visoki predstavnik
-------------------------------	--